

午 11
8

吳又可先生溫疫論
全

延陵吳又可先生著

溫疫論

葆真堂藏板

叙言

上古論病有風寒溼暑之名乃有非風寒溼暑感兩間之雜氣而得病者此名疫也然自來名醫輩出鮮不以爲閑病而忽之其

吳又可先生原本儒術深
求乎天人性命之故而因
肆力於醫於方書無所不
窺既學之有年而出而行
之也又濟以誠心惻怛適
當明季疫氣盛行所見之

證皆不合故方於是益殫
精畢慮心叅造化體驗人
情變化神明獨得其妙著
爲是論顏曰溫疫崇禎壬
午刻刻行世其板尋爲兵
火所焚卽有遺書數帙復

爲入虔而不觀深可痛惜
余近歲以先君子抱疴時
求治於四方國手因購此
書而都無有藏者一日偶
過朱震谷表姪案頭獲睹
是本授而讀之其洞達病

情反疏利譽聞壽論雖聖

人獲起不異其念因起而

謂震谷曰此先者實可

活人矣昔參長沙公爲外

感風寒而溢傷寒論有三

百九十七法二百一十三

方條分縷晰允推後世之
師今先生因內觸邪氣而
著溫疫論其中立久傳之
法又補前人所未逮蓋傷
寒之與溫疫證相似而實
不同世醫不辨病之爲外

感爲內觸遇疫證羣目爲
傷寒其有不殺人也者幾
希嗟嗟夫正傷寒有幾哉
大抵皆溫疫耳今歲甲戌
時證流行或家一二人或
家數人甚至闔門傳染及

一一詢其病原總不出先生論中所云依方授之而卽愈夫乃益知先生之論爲不刊而此書之不可以不廣布也已爰亟付之棗梨俾與長沙一編雙峙並

行庶幾不負先生救世之
苦心云但余於醫書亦無
師授間從讀禮之暇繙閱
此論其中稍稍有得者不
揣鄙陋妄加點抹未知不
軒渠於當世之慧眼否也

時甲戌秋杪嘉善後學棘
人張以增客旃書

參訂同人

陳鳳翔翥宸

吳江

蔣示吉仲芳

蘇州

尤 乘生洲

蘇州

潘 遵康先

嘉善

俞 圯子佩

嘉興

顧嗣協迂客

長洲

黃 結兩吉

松江

馮 京冠三

嘉善

祝以壽介春

嘉善

朱雲彪震谷

嘉善

趙國瑞

嘉善

俞升平

嘉善

孫

嘉善

王

嘉善

陳

嘉善

劉

嘉善

孫

溫疫論原序

昔仲景立傷寒論其始自太陽傳至陽明
以至少陽次傳三陰蓋爲正傷寒設也嗣
後論者紛紛皆以正傷寒爲辭其於溫疫
之症甚畧是以醫者所記所誦連篇累牘
俱係正傷寒迨夫臨症所見悉皆溫疫求
其所請正傷寒者百無一二予卽按諸書
咸以爲春夏秋所發皆屬溫病而傷寒必

在冬時則歷年較之溫疫四時皆有而眞
正傷寒每在嚴寒雖有頭疼身痛惡寒無
汗發熱總之謂太陽症至六七日失治未
常傳經每用發散之劑一汗卽解間有不
藥亦自愈者並未常因失汗以致發黃譫
語狂亂胎刺等症此皆感冒膚淺之病非
眞傷寒也傷寒感冒均係風寒不無輕重
之殊究竟感冒俱多傷寒希有况溫疫與

傷寒感受有霄壤之隔今鹿馬攸分益見
傷寒世所絕少仲景以傷寒爲急病倉卒
失治多致傷生因立論以濟天下萬世用
心可謂仁矣然傷寒與溫疫皆急病也以
病之少者尚諄諄以告世况溫疫多于傷
寒百倍安忍置之勿論或謂溫疫一症仲
景原別有方論歷年旣久兵火湮沒卽傷
寒論稱散亡之餘王叔和補方造論輯成